


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-12	Yusuf	111	12	Makkiyyah	Ke-53	3





### **Zaman Diturunkan Surah Dan Latar belakangnya**

Besar sekali kemungkinan Surah Yusuf diturunkan pada tahun ke-12 Kenabian sebelum Nabi s.a.w. berhijrah ke Madinah dan ia turun selepas Surah Hud. Ketika itu pelbagai perancangan jahat telahpun dibuat oleh orang-orang kafir Quraisy terhadap Rasulullah s.a.w. sama ada mahu menghalau Baginda keluar dari Mekah atau dibunuh saja Baginda.

Kalangan pemimpin Quraisy tak ubah seperti saudara-saudara Nabi Yusuf a.s. yang telah bertindak zalim dan kejam terhadap saudaranya sendiri. Kesalahannya tidak lain hanyalah kerana tidak mahu menerima penyembahan berhala dan kerana menegakkan ajaran tauhid.

### **Kesinambungan Surah Hud Dengan Surah Sebelum Dan Selepasnya.**

1. Surah Hud sebelum ini lebih menekankan sudut إنذار (memberi ancaman) dengan mengemukakan sejarah bangsa-bangsa yang telah dibinasakan, Surah Yusuf pula lebih menekankan sudut تَنْبِيْهِ (penyampaian berita gembira) kepada orang-orang yang bersabar menghadapi cabaran hidup. Di dalamnya juga dinyatakan tauhid sebagai ajaran yang benar dan syirik sebagai ajaran yang salah. Di dalam penjara pun, Nabi Yusuf tetap menyeru orang ramai kepada ajaran tauhid.
2. Di dalam Surah ar-Ra'd yang akan datang nanti dikemukakan dalil-dalil عقلي dan آفاقي untuk membenarkan ajaran tauhid dan membatalkan ajaran syirik.

### **Beberapa Kata Kunci Dan Tema Utama Surah**

1. Setelah saudara-saudara Yusuf mengaku bersalah dan menyatakan penyesalan mereka, Nabi Ya'qub a.s. memohon istighfar kepada Allah.

Walaupun saudara-saudara Yusuf telah berdengi kepadanya dan menzaliminya, setelah melalui pelbagai ujian akhirnya Yusuf dikurniakan kuasa ketika berada di Mesir, semua saudara-saudara Yusuf bersama anak isteri mereka dan kedua ibu bapa mereka kemudiannya berhijrah dari Palestin ke Mesir. Pada ketika itu, saudara-saudara Yusuf mengaku bersalah, mereka menyesal dan sangat malu atas perbuatan jahat mereka terhadap Yusuf dan akhir sekali Nabi Ya'qub memohon keampunan kepada Allah (Ayat: 98).

قَالَ سَوْفَ أَسْتَغْفِرُ لَكُمْ رَبِّي إِنَّهُ هُوَ الْغَفُورُ الرَّحِيمُ ﴿٩٨﴾

Kesimpulannya ialah Allah dengan rahmat dan limpah kurniaNya boleh mengampuni dosa manusia yang berasa bersalah dan menyesal atas perbuatan salahnya.

2. Di dalam Surah Yusuf juga diperkenalkan al-Qur'an.

(a) al-Qur'an diturunkan dalam Bahasa Arab supaya manusia dapat merenung dan berfikir tentang



kandungannya dan supaya orang-orang Arab terlebih dahulu memeluk agama Islam dan kemudian melalui mereka, sekalian penduduk dunia yang lain juga memeluk agama Islam (Ayat: 2).

إِنَّا أَنْزَلْنَاهُ قُرْآنًا عَرَبِيًّا لَعَلَّكُمْ تَعْقِلُونَ ﴿٢﴾

(b) Menerusi wahyu al-Qur'an, Rasulullah s.a.w. telah mendapat perincian kisah Nabi Yusuf, orang-orang Arab sebelum itu tidak mengetahui tentangnya (Ayat: 3).

فَخُذْ نَقْصُ عَلَيكَ أَحْسَنَ الْقَصَصِ بِمَا أَوْحَيْنَا إِلَيْكَ هَذَا الْقُرْآنَ وَإِنْ كُنْتَ مِنْ قَبْلِهِ لَمِنَ الْغَافِلِينَ ﴿٣﴾

(c) Kisah Yusuf dikemukakan supaya orang-orang musyrikin Mekah mengambil i'tibar daripadanya dan supaya orang-orang yang berfikiran (اولو الالباب) dapat menerima al-Qur'an yang diturunkan kepada Muhammad sebagai sebuah kitab yang membawa hidayat dan rahmat kepada manusia. Qur'an bukanlah sebuah kitab yang diada-adakan oleh Muhammad (Ayat: 111).

لَقَدْ كَانَ فِي قَصَصِهِمْ عِبْرَةٌ لِأُولِي الْأَلْبَابِ مَا كَانَ حَدِيثًا يُفْتَرَى وَلَكِنْ تَصْدِيقَ الَّذِي بَيْنَ يَدَيْهِ وَتَفْصِيلَ كُلِّ شَيْءٍ وَهُدًى وَرَحْمَةً لِقَوْمٍ يُؤْمِنُونَ ﴿١١١﴾

﴿١١١﴾

3. Di dalam Surah Yusuf terdapat seruan kepada tauhid dan juga seruan supaya beriman kepada hari kemudian.

(a) Ketika di dalam penjara, Yusuf berkata kepada kawan-kawannya bahawa dia telah meninggalkan satu kaum yang tidak percaya kepada tauhid dan hari kemudian (Ayat: 37).

قَالَ لَا يَأْتِيكُمَا طَعَامٌ تُرْزَقَانِيهِ إِلَّا نَبَّأُكُمَا بِتَأْوِيلِهِ قَبْلَ أَنْ يَأْتِيَكُمَا ذَلِكَمَا مِمَّا عَلَّمَنِي رَبِّي إِنِّي تَرَكْتُ مِلَّةَ قَوْمٍ لَا يُؤْمِنُونَ بِاللَّهِ وَهُمْ بِالْآخِرَةِ

هُمْ كَافِرُونَ ﴿٣٧﴾

(b) Nabi Yusuf dalam da'wahnya kepada tauhid telah mengemukakan dalil-dalil 'aqli supaya difikir dan direnungi oleh kawan-kawannya yang berada di dalam penjara bersama beliau, adakah tuhan yang berbilang lebih baik daripada hanya satu tuhan yang Maha perkasa? (Ayat: 39).

يَصْحَبِي السِّجْنِ أَزْوَاجٌ مُتَفَرِّقُونَ خَيْرٌ أَمْ اللَّهُ الْوَحِيدُ الْقَهَّارُ ﴿٣٩﴾

(c) Nabi Yusuf telah menolak syirik, beliau telah melarang manusia mengikut adat resam nenek moyang yang salah, beliau juga menyeru manusia supaya menyembah Tuhan yang Esa (Ayat: 40).

مَا تَعْبُدُونَ مِنْ دُونِهِ إِلَّا أَسْمَاءَ سَمَّيْتُمُوهَا أَنْتُمْ وَآبَاؤُكُمْ مَا أَنْزَلَ اللَّهُ بِهَا مِنْ سُلْطَانٍ إِنْ أَنْكُمُ إِلَّا يَلَهُ أَمْرٌ آلَا تُعْبَدُونَ إِلَّا إِيَّاهُ ذَلِكَ الَّذِينَ

الْقَوْمِ وَلَكِنْ أَكْثَرُ النَّاسِ لَا يَعْلَمُونَ ﴿٤٠﴾



4. Kepada orang-orang yang berfikiran (ولو الالباب) kisah Yusuf mengandung pengajaran dan i'tibar.

Orang-orang yang berada di atas kebenaran pada akhirnya akan tetap memperoleh kemenangan dan kejayaan (Ayat: 111).

لَقَدْ كَانَ فِي قَصَصِهِمْ عِبْرَةٌ لِأُولِي الْأَلْبَابِ

5. Di dalam Surah Yusuf disebutkan kata-kata Ya'qub جميل صبر sebanyak dua kali.

(a) Setelah mendengar cerita tentang kematian Yusuf, Nabi Ya'qub berkata: "Semua ini adalah cerita yang dibuat oleh kamu, sabar sajalah yang terbaik" Nabi Ya'qub telah menjadikan Allah sebagai tuhan yang diminta pertolonganNya, kepadaNya jua beliau mengadu. (Ayat: 18).

وَجَاءُوا عَلَى قَمِيصِهِ بِدَمٍ كَذِبٍ قَالَ بَلْ سَوَّلَتْ لَكُمْ أَنْفُسُكُمْ أَمْرًا فَصَبْرٌ جَمِيلٌ وَاللَّهُ الْمُسْتَعَانُ عَلَى مَا تَصِفُونَ ﴿١٨﴾

(b) Kali yang kedua Nabi Ya'qub mengucapkan perkataan yang sama ialah setelah beliau mendengar cerita anak keduanya yang bernama Binyamin ditahan di Mesir, Nabi Ya'qub yakin dengan sepenuhnya kepada Allah bahawa pada suatu hari nanti beliau akan dipertemukan dengan anak-anaknya yang telah hilang (Ayat: 83).

قَالَ بَلْ سَوَّلَتْ لَكُمْ أَنْفُسُكُمْ أَمْرًا فَصَبْرٌ جَمِيلٌ عَسَى اللَّهُ أَنْ يَأْتِيَنِي بِهِمْ جَمِيعًا إِنَّهُ هُوَ الْعَلِيمُ الْحَكِيمُ ﴿٨٣﴾

6. Di dalam surah ini dinyatakan bahawa Allah telah memberi ilmu ta'bir mimpi (تأويل الأحاديث) kepada Yusuf.

(a) Allah telah mengajar Yusuf ilmu ta'bir mimpi, itu hanya merupakan salah satu sebab untuk kemudiannya beliau berkuasa di Mesir (Ayat: 21).

وَكَذَلِكَ مَكَّنَّا لِيُوسُفَ فِي الْأَرْضِ وَلِنُعَلِّمَهُ مِنْ تَأْوِيلِ الْأَحَادِيثِ

(b) Nabi Yusuf telah menta'bir mimpi dua orang kawan penjaranya sebelum lagi makanan dibawakan kepada mereka (Ayat: 37).

قَالَ لَا يَأْتِيَكُمَا طَعَامٌ تُرْزَقَانِيَهُ إِلَّا نَبَأُكُمَا بِتَأْوِيلِهِ قَبْلَ أَنْ يَأْتِيَكُمَا

(c) Setelah Nabi Yusuf bertemu dengan kedua ibu-bapanya dan semua saudara-saudaranya di Mesir, beliau mengingatkan kepada ayahnya bahawa inilah ta'bir mimpi yang aku alami beberapa tahun yang lalu, Allah telah menjadikannya kenyataan (Ayat: 100).

وَقَالَ يَتَابَتِ هَذَا تَأْوِيلُ رُؤْيَايَ مِنْ قَبْلُ قَدْ جَعَلَهَا رَبِّي حَقًّا

(d) Nabi Yusuf adalah seorang yang sangat bersyukur kepada Allah, Allah telah mengurniakan kerajaan kepadanya selain memberi kemahiran dalam ilmu ta'bir mimpi, beliau sentiasa berdoa dengan berkata:



“Engkaulah pelindungku di dunia dan di akhirat, biarlah aku mati sebagai seorang muslim dan engkau letakkanlah aku bersama golongan orang-orang yang shaleh” (Ayat: 101).

رَبِّ قَدْ ءَاتَيْتَنِي مِنَ الْمَلِكِ وَعَلَّمْتَنِي مِنْ تَأْوِيلِ الْأَحَادِيثِ فَاطِرَ السَّمَوَاتِ وَالْأَرْضِ أَنْتَ وَلِيِّ فِي الدُّنْيَا وَالْآخِرَةِ تَوَفَّنِي مُسْلِمًا وَأَلْحِقْنِي

بِالصَّالِحِينَ ﴿١٠١﴾

#### 7. Seruan Islam kepada orang-orang kafir Quraisy.

Rasulullah s.a.w. diperintahkan supaya berkata dengan terus terang kepada orang-orang kafir Quraisy bahawa Allah Maha suci daripada segala sekutu. Sikap mereka terhadap Baginda tak ubah seperti sikap saudara Yusuf terhadapnya. Sebagaimana Yusuf, Rasulullah dan para sahabat yang beriman kepadanya membawa ajaran agama secara jelas dan terbuka (Ayat 108).

قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي وَسُبْحَانَ اللَّهِ وَمَا أَنَا مِنَ الْمُشْرِكِينَ ﴿١٠٨﴾